

景與道合 我願我神 得乘素雲 上昇帝晨
七寶歡樂 交友真人

畢服文仰嘸八炁止

冬十月十一月十二月當朱書文向玉叩
齒五通呪曰

玉字開明 流煥上門 八炁結真 梵行景雲
神王啓光 三象洞分 五色徘徊 朕我靈魂
今日值合 仰希帝君 開有出書 授我真文
玉澤交灌 五府生真 毛羽變化 駕景乘晨
出有入無 仙度自然 七祖同歸 歡樂上元

畢服文仰嘸八炁止

天真皇人曰此呪說之辭皆四會之炁八和
之音自然之章行之者上天遙唱三界設禮
萬神冠帶侍衛靈文也隨節服御呪說嘸炁
百日諸天記錄地官削簡八年神真自降體
生玉光洞達幽靈坐觀自然死尸更生返月
還人輪轉不滅生死得仙道專法妙四萬劫
一傳輕泄漏慢身負河源風刀萬劫終不得
仙明真有格宜秘之焉
太上靈寶諸天內音自然玉字卷之二

太上靈寶諸天內音自然玉字卷之三 終

大梵隱語无量洞章

元始天尊時與五老上帝十方大聖眾无極
至真諸君丈人同於赤明世界栢陵舍坐香
林園之中長桑之下天尊廻駕諸天降席是
時雲霧鬱勃四景冥合三日三夜玄陰不解
天地無光有如龍漢之前幽幽冥冥五老上
帝前進作禮上白

天尊今日侍座所未嘗經天尊出遊則諸天
傾駕上帝高真神仙玉女日月星宿璇璣玉
衛三界官屬五嶽神仙河海水帝一切神靈
莫不振肅侍衛天真當時天朗氣清風不搖
條地無飛塵河海靜默山嶽藏煙時和氣定
使生死同歡而閉天光明白口陰冥天人惶
怖四座不寧不審何故所緣如是願垂告誨
令眾見明鏡益一切普得安全
天尊告曰今日同坐歡樂難遇諸天發瑞靈
應自然玉字煥爛障蔽天光未通之始致如
晝冥日慶時合希所嘗有今當普為四眾開
天妙瑞度一切人咸令四座閉目伏地於是

天聖象同時閉眼伏地聽命俄頃之間天氣
朗除冥暗豁消五色光明洞徹五方忽然有
天書字方一丈自然而見空玄之上五色光
中文采煥爛八角垂芒精光亂眼不可得看
天尊普問四座大衆靈書八會字無正形其
趣宛奧難可尋詳天既降應妙道宜明使可
注筆解其正音使皇道既暢澤被十方天真
皇人稽首作禮上白

天尊自隨運生化展轉億劫屢經侍座未有
今日遭值聖道開諸法門得見天書自然至
真斯八會之氣合五和之音非愚情短思所
能洞明今既厠座次仰觀玄妙被命狼狽不
敢載情運用張惶若無神守輒竭所見解注
其音冀萬有一合開示來生不及之體惟蒙
曲憫於是靈妃按筆太真拂筵玉女執中金
童飈香月官散花日精灌津五老監試三界
衛真分其分度三十二天天有八字其太黃
皇曾天太明玉元天清明何童天玄胎平育
天元明文舉天上明七曜摩夷天虛無越衛
天太極濛翳天八天合六十四字位屬東方

九炁青天其赤明和陽天玄明恭華天曜明
 宗飄天竺落皇茹天虛明堂曜天觀明端靜
 天玄明恭慶天太煥極瑤天八天合六十四
 字位屬南方三炁丹天其元載孔昇天太安
 皇崖天顯定極風天始黃孝芒天太皇翁重
 淨容天無思江由天上撰阮樂天无極曇拈
 天八天合六十四字位屬西方七炁素天其
 皓庭霄度天端通元洞天太文輪寵妙成天
 太素秀樂禁上天太虛无上常融天太釋玉
 隆騰勝天龍變梵度天太極平育賈夷天八
 天合六十四字位屬北方五炁玄天四八天
 合三十二天合二百五十六字皆三十二天
 大梵隱語无量之音天有飛玄自然之炁合
 和五音以成天中无量洞章上演諸天之玄
 奧讚大有之闡明中理自然之炁普度學仙
 之人下度生死之命拔出長夜之魂元始妙
 法億劫長存其音既明其道行焉大法開明
 諸天稱慶无極大聖眾至真諸君丈人五老
 上帝十方尊神神仙玉女一時行香旋行三
 市而作頌曰

天尊迴玉駕	降席香閣中	至真大聖眾
无極天中王	神仙導日月	營營披雲官
五帝翼華轅	三界備十方	日慶眾真會
歡樂難為雙	妙會自然感	靈瑞發空洞
煥爛啓幽期	障蔽日月光	玄陰不解夜
四象並安恭	靈運自應圖	條欸朗太空
靈書八會字	五音合成文	天真解妙韻
琅琅大有通	玉音難為譬	普成天地功
上植諾天根	落落神仙宗	中演玄洞府
坦明八四房	關度生死命	拔出長夜亡
地獄五若解	刀山不生鋒	五道無對魂
億劫並少童	堂堂大乘化	一切不偏功
元始出玉文	是為天中王	不勝情歡喜
飛步誦靈章	落落諸天明	妙哉龍謹通
天尊闡大有	煥爛飛空內	流光三界庭
八會結成形	玉書應景生	天真通妙趣
神圖啓靈會	琅琅玉音響	飄飄翠上情
五和合成經	九幽受光明	巍巍大法門
開度無終劫	斯功不可勝	歡樂度萬齡

是時惠澤普流恩被十方信向不死皆得長
 年老者還少病者即康枯骨生氣死魂還人
 五苦解脫地獄寧闕預以有心皆得神仙矣
 天尊告四眾至真今日同坐一劫之中闡天
 靈與自然玉書度一切入其福弘普廣益眾
 生大法既陶恩無不市无極世界皆受光明
 九幽闕宥長夜被魂生者歡樂死者蒙還諸
 天人民宿對種親是男是女善惡命根無始
 以來至于今生生死展轉殃對相牽天地成
 敗功過難明今依大有普告諸天日月星宿
 璇璣玉衡南斗北斗司命司錄轉君主錄南
 昌上官諸地諸水五嶽靈山三官九署十二
 河源長夜之府九幽之中四司五帝一切神
 靈採算錄籍推枝本源無善無惡輕重之根
 生死右別條名列言一切剷除斷絕因緣普
 同一度以今為新今此一切咸得道真大福
 所普勿使有偏天尊有命諸天敬從於是四
 眾同起作禮舉手指上倪手指下无上无下
 无極无窮无深无速无幽无隱无大无小无
 始无終一切普度同受光明彈指告眾一切

咸聞是時四衆同時抗手仰天彈指三十二
天日月星宿一時俱明地下九幽无極之底
光景洞徹无復暗冥幽隱普見地藏靈形山
川溪澗一等緬平冬華結實枯樹發榮慶加
一切功載衆生魚龍踊躍鳥獸欣鳴靈歌交

會路無悲聲天靜地默三官潛寧簡對休息
五道不生人神歡泰聖道太平

天真皇人曰諸天內音自然玉宇皆諸天之
中大梵隱語結飛玄之炁合和五方之音生
於元始之上出空洞之中隨運開度普成天
地之功斯文專妙不譬於常是故開大有之
始而閉天光明以實其道而專其文其字宛
與非天書之無形莫貴其妙象而隱其至真
妙感應圖其法運行天專不以我之才响而
見命勅使解其義通其玉音玄科有制不敢
違命按筆之日形魂頓喪率我所見聊注其
文是之與非極我乃心皇道既明諸天稱慶
一切覆載生死並歡大福普布我情自欣惟
願四衆咸見體明於是四衆至真專神一時
稱善天上天下地上地下无窮无極彌羅世

界一切神靈莫不範德尊崇大聖欣道開明
惟願大法廣度无終福流億劫世世長存度
加願會普得道真不勝罔極四衆同時俱起
作禮稽首受命

太黃皇曾天音第一

太黃皇曾天中有自然之書八字文曰皇婁
河蒼無怒觀音天真皇人曰其八字飛玄自
然之書字方一文文彩煥明洞輝八方元始
下教使撰其字解其音合成皇曾天中大梵
隱語无量之音以付道君使教皇曾天中宿
有仙名者度應得道人也
皇曾元紀 婁都界上京 阿那震琳響
蒼秀何宛延 元無中生真 怒答通明梁
觀覺朗四冥 音韻自成章
天真皇人曰其章以皇曾天中合五方飛玄
之炁以和八字自然之音曰无量洞章皇曾
天去太明玉完天九億九萬炁元紀以八方
維羅之極婁都者天中心長樓之名上承太
玄之宮玉京之山也阿那以婁都之監主六
梵之數數交則婁都鼓鳴衆真上朝蒼秀則

帝君之遊臺怒答則日月之門戶真人乘金
輪以開冥玉女仗華幡而披緋觀覺主長夜
之錄四冥拔出九幽之府若能修齋於八節
誦洞章以和魂則七祖披朗朽骸還門佩赤
書於八字明通无量之音將乘雲車以上造
逍遙七寶之林仙童玉女侍衛之馬

太明玉完天音第二

太明玉完天中有自然之書八字文曰須延
明首法攬善曇天真皇人曰其八字飛玄自
然之書字方一文文彩煥耀洞明八方元始
下教使撰其字解其音合成玉完天中大梵
隱語无量之音以付道君使教玉完天中宿
有仙名者度應得道人也
大明須靈會 延侍開玉真 明道梵玄路
百放入三便 法輪洞幽遠 攬覺大模新
善提御網運 曇願自迴椿
天真皇人曰其章玉完天中合五方飛玄之
炁以和八字自然之音曰无量洞章玉完天
去清明何童天八億萬炁須延者玉完天西
北關之號大劫之交須延而開玉真大聖於

是而迴明道則元始之都候元始開運則都候啓道梵行諸悉倏歛自朗三便則三界之門能知八字之音則過三便之上身登大羅之天法輪則罪福之場攪覺則生死之端誦靈音於洞章則名書於紫官法輪列籍於司命攪覺度魂於更生善曇三元上聖執九色之魔曇願把十絕之幡上真轉九色以輪還曇願旋十絕以停輪天地得之以無傾萬道得之以長存神仙誦之以飛空五嶽保之以致安國祚享之以無窮大劫可以保命生死可以善緣奉之者延年修之者飛仙也

清明何童天音第三

清明何童天中有自然之書八字文曰稼那阿奕忽訶流吟天真皇人曰其八字飛玄自然之書字方一文彩煥曜洞明八方元始下教使撰其字解其音合成何童天中大梵隱語无量之音以付道君使教何童天中宿有仙名者度應得道人也
清明稼稼滋 那徑返龍山 阿秀玉林條 奕奕四垂鸞 忽覺靈劫化 訶摩以敷農

流真三界庭 吟肅來運勳

天真皇人曰其章何童天中合五方飛玄之炁以和八字自然之音曰无量洞章何童天去玄胎平育天七億萬炁稼那者天中玉國先生治金華之宮與龍山連字燁燁玉清之上鬱勃洞虛之中領人生死圖錄總主神仙阿奕則七寶林中樹名彌覆四方上聖之遊圃真人之戲園忽覺元始飛天神人也主大小劫會訶摩無名之號劫運既終訶摩則以開宮敷法教普度天人是時歡樂道教流行天度悉促人道轉夜末運破壞故為流吟萬劫種善宿有玄名得過天音修誦洞章玉國先生則消罪錄於長夜注名南極長生之宮七祖被幽而更始死尸更華琳瑯之方因緣不絕世世為仙王也

玄胎平育天音第四

玄胎平育天中有自然之書八字文曰華都曲麗鮮善育臻天真皇人曰其八字飛玄自然之書字方一文彩煥曜洞明八方元始下教使撰其字解其音合成平育天中大梵

隱語无量之音以付道君使教平育天中宿有仙名者度應得道人也

華都秀東宮 都梵飛天歌 曲與澄虛漢 麗宛從空和 鮮雲陰雲等 善婁透參差 育三乘景輪 臻是鬼神家

天真皇人曰其章以平育天中合五方飛玄之炁以和八字自然之音曰无量洞章平育天去元明文舉天六億萬炁華都則天中太乙宮青華門之別名上有梵天神人飛遊太極之上玄歌无量洞章曲奏靈風之氣恒拂揚洞章之曲麗宛太和玉女也於華都之門而和神人之歌鮮雲者則慶雲之舒敷以散八音之上平育天帝之隱名常乘八景之輪避觀太極之外迴十絕之幡以召大魔之王平育天音衆真所崇誦之者飛天遙唱佩其文三界伺迎七祖出長夜上昇南宮輪轉化生世為王門仙童玉女侍衛身形道成飛行上昇平育天

元明文舉天音第五

元明文舉天中有自然之書八字文曰蒼落

大梵散煙慶雲天真皇人曰其八字飛玄自然之書字方一文光彩燿洞明八方元始下教使撰其字解其音合成文舉天中大梵隱語无量之音以付道君使教文舉天中宿有仙名者度應得道人也

文舉答和闕 落落冠三門 大有開龍漢 梵天敷景雲 散馥延霄階 氤氳自生華 靈風流返香 雲上儼空輪

天真皇人曰其章以文舉天中合五方飛玄之炁以和八字自然之音曰无量洞章文舉天去摩夷天五億萬炁答怒者天中之玉闕以界三便之門大梵既行元炁通明者也故龍漢推數而自開亦明待運而敷展真人散香於玉庭氤氳揚熏以拂真慶雲棲乎紫錦飛天儼乎空輪慶大有於元始欣八字於自然明玄文以度眾音洞章以成仙奉之者脫苦修之者成真七祖同歡世生仙門也

上明七曜摩夷天音第六
七曜摩夷天中有自然之書八字文曰飛靈玉都明魔上門天真皇人曰其八字飛玄自

然之書字方一文光彩燿洞明八方元始下教使撰其字解其音合成摩夷天中大梵隱語无量之音以付道君使教摩夷天中宿有仙名者度應得道人也

上明飛延康 灑都出龍漢 玉真開玄夜 鄧都度八難 明道結空章 魔王稽首讚 上有始生人 門下典錄算

天真皇人曰其章以摩夷天中合五方飛玄之炁以和八字自然之音曰无量洞章摩夷天去越衡天四億萬炁飛者飛天神人之號天地改運淪於延康冥冥無開飛天啓光於散輝諸天受炁灑虛玄都龍漢一會倏故四迴而玉真者大聖之號都有九幽之鄧都人有善功則大聖開玄夜之戶鄧都度八難之場七祖於是而返還幽魂於是而光明道則八字而開洞章度死魂而還康神魔於是而伏五雲玄哺為糧上帝育養生之神門下韓君司錄度算於南宮自非前生萬劫宿有善名者莫得時其篇目參此洞章奉之者福流九族生死蒙恩修之者身生水火白日登

上明七曜摩夷天音第六
七曜摩夷天中有自然之書八字文曰飛靈玉都明魔上門天真皇人曰其八字飛玄自

晨也

虛無越衡天音第七

虛無越衡天中有自然之書八字文曰無行上首迴蹠流玄天真皇人曰其八字飛玄自然之書字方一文光彩燿洞明八方元始

下教使撰其字解其音合成越衡天中大梵隱語无量之音以付道君使教越衡天中宿有仙名者度應得道人也

七曜無上道 行網梵玄機 上轉天一關 首運候啟開 迴靈非始駕 蹠起入空飛 流晨制長夜 玄陰自然歸 天真皇人曰其章以越衡天中合五方飛玄之炁以和八字自然之音曰无量洞章越衡天去濛翳天三億萬炁無者元始之炁開明无上之道行者元元之綱紀維羅八極上首者北斗四非之宮也運轉天關推會度數天數極則大劫交運迴蹠五篇真文之化乘大運之終而五篇明焉空無而出天地自開人有善功宿名玄都即拔長夜魂出九幽更生善門長離玄陰生死福中越衡天上都之京

上明七曜摩夷天音第六
七曜摩夷天中有自然之書八字文曰飛靈玉都明魔上門天真皇人曰其八字飛玄自

有空峯之山乃萬聖之所遊生死之所歸學洞玄之道道成得仙徑昇空峯之上受號而騰空也道未備足身應滅度魂昇空峯受鍊而度南宮也越衡之旨理極於此矣

太極濛翳天音第八

太極濛翳天中有自然之書八字文曰阿陀龍羅四象吁負天真皇人曰其八字飛玄自然之書字方一文光彩煥曜洞明八方元始下教使撰其字解其音合成濛翳天中大梵隱語无量之音以付道君使教濛翳天中宿有仙名者度應得道人也

濛翳阿僧嶺 陀丘交靈勢 龍阜立空峙 羅映耀雲袂 四宮生真景 象輪梵三界 吁育鍊朽魂 負童度生契 天真皇人曰其章以濛翳天中合五方飛玄之炁以和八字自然之音曰无量洞章濛翳天去亦明和陽天二億萬炁阿者天中有九折之山連阿相屬陀者山上之樓上通玉清之炁八望三界之鄉帝君乘三素之雲駕九龍之與上遊阿丘之嶺下監萬生之罪福龍

者龍山與阿陀相去九億萬里山勢相交日月明於二山故羅瑛曜雲也皆日月之名四首四極之宮中有四極真人主人命籍真人常駕象輪之車遊行三界之中校人生死罪錄開度學道之人佩此文誦詠洞章則三界

太極濛翳天音第九

之官皆條名列言九幽削於地籍長夜拔出死魂玉名八於帝簿生死度於南宮吁負則長生宮中度命之君得入南宮吁負即鍊度於朽魂負童日中之生童即灌其津著生契於四極洽自然之羽章七祖歡於福堂延年萬歲世生仙王身度三惡之道過度八難之

場三界稽首而侍衛五帝肅然而奉迎其八天分屬東方始青之炁炁炁相生彌羅八極故天有八音皆八會之炁結而成章也元始天尊告太上道君曰赤明始開其八天之炁分度並屬東方青天有八字合六十四音皆天中大梵隱語无量之音行九炁天君之道當佩其音誦其章出入遊行雷叩齒九通思九色之龍導導從前後青雲九重覆巾身形密呪曰

亦明開圖 八炁迴真 總統玄關 青帝大神 流化九天 纏綿我身 靈音八書 六十四篇 開明天地 與我合仙 運致龍駕 上昇帝軒 單引炁九嚙止行之九年八天各以青腰 玉女青華玉童各八人侍衛身形致青芽

九炁之精生身光明徹見虛無萬徧道成即得飛行其道專法弘教普度無窮七祖同福皆昇南宮九年並得更生善門之中勤為護度諱受勿忘道君稽首奉受命旨

赤明和陽天音第一

赤明和陽天中有自然之書八字文曰南闔洞浮玉時說說天真皇人曰其八字飛玄自然之書字方一文光彩煥曜洞明八方元始下教使撰其字解其音合成和陽天中大梵隱語无量之音以付道君使教和陽天中宿有仙名者度應得道人也

赤明南上炁 闔光流八精 洞門吐丹暉 手景自高明 玉澤充絳府 眸華乘運征 洗垢澄虛漢 說說步三靈 天真皇人曰其章以和陽天中合五方飛玄

之炁以和八字自然之音曰无量洞章和陽
天去玄明恭華天九千萬炁南闕者和陽天
中有流火之屍爛光煥乎八方洞浮者則洞
陽之宮南極真人治於宮中諸老學人始得
道者皆詣流火之庭受鍊而成真然後而得
進入洞陽之宮玉眸流火之膏也既受火鍊
體生玉光絳府充溢萬神並歸侍衛身形輔
翼羽衣位登上真遊宴紫微道業未備運應
滅度魂經洞陽則受鍊而洗塵埃澄滂阜運
更生輪轉三界無有罣礙故說說步三靈也
自無前生萬劫宿有善緣不得聆其音章

玄明恭華天音第二

玄明恭華天中有自然之音八字曰梵形落
空九靈推前天真皇人曰其八字飛玄自然
之書字方一大文彩煥曜洞明八方元始下
教使撰其字解其音合成恭華天中大梵隱
語无量之音以付道君使教恭華天中宿有
仙名者度應得道人也
上真梵元始 形化觀妙音 落景隨運迴
空中讚瓊林 九玄導明首 靈童生朽心

推元拔夜傾 前魂飛霄吟

天真皇人曰其章以恭華天中合五方飛玄
之炁以和八字自然之音曰无量洞章恭華
天去宗飄天八千萬炁梵形者元始天尊也
開龍漢之劫登赤明之運號曰元始上皇開
運號元始大人隨世化生故以一神落空者
元始空中而出既有天地日月三光而知空
中有真文也靈者九華真人治於南上宮中
至九幽之下宿對死魂推前者推算生死功
德人有善功三官列言九靈即命主錄算其
功名拔出九幽七祖之魂魂神披散昇上南
宮歡樂自然飛霄歌吟天中有散華之臺四
斗真人所處焉臺下有寶之林元始書洞
章於林中四斗真人書迎延之符於臺軒得
佩上天之音真人克受迎延之符得見迎延
之符道遠恭華之臺此符使人項負寶曜體
映玉光氣合三素靈洞太空恭華之音理妙
自然也

曜明宗飄天音第三

曜明宗飄天中有自然之書八字文曰澤洛

善臺綠羅大千天真皇人曰其八字飛玄自
然之書字方一大文彩煥曜洞明八方元始
下教使撰其字解其音合成宗飄天中大梵
隱語无量之音以付道君使教宗飄天中宿
有仙名者度應得道人也

曜明澤龍階

洛覺幽中悅 善題億萬衆
臺上三萬日 綠帔飛青衣 羅英秀玉質
大羅元上色 千劫同一秩

天真皇人曰其章以宗飄天中合五方飛玄
之炁以和八字自然之音曰无量洞章宗飄
天去皇茹天七千萬炁澤者天中山名其山
上衆龍所崛山有黃房之室一名玉容之臺
洛覺者真辰道君之內名治於黃房之中混
大劫而不終經龍漢而更明故幽中而悅焉
善題者飛天真人之隱號有無數之衆飛於
玉臺之上玉臺處於澤山之陽三萬日月明
其左右羅映則日月天人之內名治在日月
之宮上乘大羅之天梵行之炁運六度之關
以應天地之數數之欲終大劫交會大劫既
交諸天日月會於玉臺也大千世界之分天

地改易大千同一而存焉人佩諸天之音誦諸天之章則得駕陵羽之車上昇黃房之室玉臺之上也

竺落皇茹天音第四

竺落皇茹天中有自然之書八字文曰眇莽九醜詔誥緣遵天真皇人曰其八字飛玄自然之書字方一文文彩煥曜洞明八方元始下教使撰其字解其音合成皇茹天中大梵隱語无量之音以付道君使教皇茹天中宿有仙名者度應得道人也

竺落眇眇化 莽莽龍漢初 九道并惡元醜鬼不生軀 詔與元中縱 誥歌亂太虛緣綱整三炁 遵值羅天衢 天真皇人曰其章以皇茹天中合五方飛玄之炁以和八字自然之音曰无量洞章皇茹天去堂曜天六千萬炁眇眇者元始淪於延康之中天書玉字翳而不彰龍漢開運其文莽莽世過道真男女並皆壽三萬六千歲其運之極又經一劫九炁各生獸以害惡氏其劫既開後而九獸改號為九醜之鬼北帝上

真主生死圖錄故立九醜以輔三官數極九九八十一萬度天炁之反九醜當得轉號為九都使者也詔者皇茹天中神霄玉之內名神霄玉魔王之主常誥教學道之人學正與不正魔王恒作誥歌以亂之心固者王即保舉得玉保舉徑昇皇茹天中緣遵則南北二

斗君之內諱人有善功則列言於南斗南斗則度三界之難拔九幽之苦宣告魔王不敢敗之也人之行惡三官列羅於北斗北斗則告下於魔王魔王而滅之焉魂付九幽之下充長夜之役萬劫無期長淪惡緣皇茹天中有金華之山山有五帝之宮常生五色之雲日月俠乎左右飛仙翼其華軒學成得道皆詣金華之山受太乙之信以制神霄之王滅大魔之試然後而得乘景輪之車遊宴於八方也

虛明堂曜天音第五

虛明堂曜天中有自然之書八字文曰雲上九都飛生自霄天真皇人曰其八字飛玄自然之書字方一文文彩煥曜洞明八方元始

下教使撰其字解其音合成堂曜天中大梵隱語无量之音以付道君使教堂曜天中宿有仙名者度應得道人也 虛明雲天子 上關玄玄門 九疊鬱陵增都宮羅玉根 飛香繞十絕 生炁鍊玉魂

自關不死路 審林歌要言 天真皇人曰其章以堂曜天中合五方飛玄之炁以和八字自然之音曰无量洞章堂曜天去端靖天五千萬炁雲上者飛天神人內諱也關龍漢之劫落亦明之運數自然之書立天地之根三象既分而有九層之臺處乎五宗之山煥乎玄都之上飛天常散百和之香統五雲之華以灌飛天真人臺上有太真玉郎一日三迴十絕之禧迴禧一周則諸天上朝繞臺三甲誦詠洞章飛生者南上更生之神也學人能誦洞章聲參上宮諸天稱慶飛生即為開不死之路流長生之炁下鍊五魂之神魂神受鍊八景存焉八景備守則共舉人身上昇九層之臺遊於審林之中身佩天書口誦洞章二十四年期得上朝玄都之

官也

觀明端靖天音第六

觀明端靖天中有自然之書八字文曰那育
郁馥摩羅法輪天真皇人曰其八字飛玄自
然之書字方一丈文彩煥曜洞明八方元始
下教使撰其字解其音合成端靖天中大梵
隱語无量之音以付道君使教端靖天中宿
有仙名者度應得道人也
端靖那梵語 育廷十轉天 郁默誦靈歌
馥靈唱幼年 摩夷闡稽首 羅窻自束身
法化開滅度 輪轉成歸具
天真皇人曰其章以端靖天中合五方飛玄
之炁以和八字自然之音曰无量洞章端靖
天去玄明恭慶天四千萬炁那者天王侍郎
之內名生成四時之炁梵行虛無之網以正
端靖天中之分度育者天關之空輪也郁馥
中斗靈童之名常運育輪於太無迴十轉以
召其天關十轉則十方大聖上朝玉官萬神
齊真而郁馥唱焉摩羅者天中大魔之內詳
也郁馥一唱則魔王束身天關八方法輪之

門以度下世學者之身學知四時之炁十轉
之關則入法輪之門駕乘八景之輿昇乎玉
清之中上朝紫微之臺位及衆真之賓也

玄明恭慶天音第七

玄明恭慶天中有自然之書八字文曰靈持
無鏡攬姿運容天真皇人曰其八字飛玄自
然之書字方一丈文彩煥曜洞明八方元始
下教使撰其字解其音合成恭慶天中大梵
隱語无量之音以付道君使教恭慶天中宿
有仙名者度應得道人也
玄明靈靈都 持梵往東華 無色玄玄宗
鏡鏡究大羅 攬覺妙自歸 姿生宜云多
運抗不終劫 容納保太和
天真皇人曰其章以恭慶天中合五方飛玄
之炁以和八字自然之音曰无量洞章恭慶
天去極瑤天三千萬炁玄明則恭慶天之根
也靈者天上都監之神內名也靈都是紫微
宮曲房之號都監之神治曲房之內總衆真
之錄黃簡之文持者龍旛之名衆龍蟠乎其
中常銜金甕而運東井之華以灌諸天真入

華者月中黃華之精沃注東井之中流津無
窮之源無鏡者則飛天神王遊於大羅之上
出無色之尤總生死之籍開度學道之人攬
姿者是三界之門知攬姿之號則神王拔出
九幽之魂開長夜之府度於三界之門也運
容者則太和玉女人度三界則運容導以朱
靈之炁灌以太和之津形上福德之堂保劫
運而無窮也

太煥極瑤天音第八

太煥極瑤天中有自然之書八字文曰馥朗
廓奕神纓自宮天真皇人曰其八字飛玄自
然之書字方一丈文彩煥曜洞明八方元始
下教使撰其字解其音合成極瑤天中大梵
隱語无量之音以付道君使教極瑤天中宿
有仙名者度應得道人也
太煥馥上京 朗臺秀西靈 廓為大模範
奕奕神公生 神為滅度宗 纓絡披長冥
自入更起門 宮中歡長齡
天真皇人曰其章以極瑤天中合五方飛玄
之炁以和八字自然之音曰无量洞章極瑤

天去孔昇天二十萬炁太煖者則極瑤天之始元也亦明始關八字煖乎空玄之上而極瑤之天於是植焉觀朗是天中玉京玄臺之別號西靈真人常誦无量洞章旋行其上廓奕則是天中神公之內名與元始同生為玄

炁之範圍滅度之門教學仙之人君能明八字之音則神公開長冥之戶身入更起之門上登玉京之臺歡樂紫微宮中有神纓之章滅度之屍得神纓之童一歌无量之章立得返形於三鍊之房身受自然之炁歡樂無窮之餘也

元始天尊告太上道君曰赤明始關其八天之炁分度並屬南方丹天有八字合六十四音皆天中大梵隱語無量之音行三炁天君之道當佩其音誦其章出入遊行常當叩齒三通思朱雀鳳凰翱翔其前絳雲三重覆巾身形密呪曰

三炁徘徊 靈鳳來飛 玉音八字 煖爛紫微
日吉大慶 我道洞開 朱丹嘯飴 仰翕靈暉
身生水火 絳帔羽衣 登空玄步 足踐鳳梯

周旋八天 七祖相隨

畢引炁三炁止行之三年八天各以太丹玉女太陽玉童各八人侍衛身形降致朱丹三炁之精返白留容萬劫不傾七祖同昇上入福堂返胎王家即得更生其法弘普廣度無窮勤為用心諱受勿忘道君稽首奉受命旨

太上靈寶諸天內音自然玉字卷之三

太上靈寶諸天內音自然玉字卷之四 收四

元載孔昇天音第一

元載孔昇天中有自然之書八字文曰刀利禪猷婆泥咎通天真皇人曰其八字飛玄自然之書字方一文文彰煖曜洞明八方元始

下教使撰其字解其音合成孔昇天中大梵隱語无量之音以付道君使教孔昇天中宿有仙名者度應得道人也

元載叨悅境 利浮爛洞陽 禪享苦生界 歡命化南宮 奕耶有鍊池 泥津飾彫容 吞醜過生源 通勃肆鼓洋

天真皇人曰其章以孔昇天中合五方飛玄之炁以和八字自然之音曰无量洞章孔昇天去皇崖天九百萬炁元者元之始載梵行之炁以成孔昇之天刀利者南無際世界之號禪是刀利之國生存其國則為苦生無善之根其界上有洞陽之官浮爛為流火之庭奕飾先靈靈文既明刀利國土改為福德之堂苦生之魂皆得度入洞陽之官歎是南上好生君內名也婆泥則鍊池之靈童也苦生



正一天師清微弟子百堅製 道教學術資訊網